



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გუთნური

გუთნური, ხალხური ლექსსიმღერა, შრომის პოეზიის სახეობა, სრულდებოდა გუთნით მუშაობისას უპირატესად აღმ. საქართველოში. აღმოცენებულია კოლექტიური შრომის საფუძველზე და ასახავს ხვნა-თესვის მთელ პროცესს. ისტორიკოს ბასილი ეზოსმოდვრის (XII-XIII სს.) ცნობით, ველზე კვალის გავლებისას მინათმოქმედნი თამარ მეფის საქებარ ლექსებს მღეროდნენ. გ. კოლექტიური სიმღერაა, მოიცავს საყოფაცხოვრებო, სანესჩვეულებო, სატრფიალო მოტივებს. ტექსტებში დახასიათებულია გუთნისდედა, მეხრე, ხარი, მხვნელ-მთესველთა ყოფა და სხვ. გ. ძირითადად ერთხმიანი სოლო სიმღერაა. ზოგჯერ სრულდება ორ ხმაში გაბმული (ბურღონული) ბანის თანხლებით. პირველად ჩანერა დ. არაყიშვილმა (1901-09). იხ. აგრეთვე „ოროველა“.

ლიტ.: მ ა მ ა ლ ა ძ ე თ., შრომის სიმღერები კახეთში, თბ., 1962; ო ქ რ ო შ ი ძ ე თ., ქართული ხალხური შრომის პოეზია, თბ., 1963.

გ. ჭელიძე
